

Ho na le tsepamo e matla ho etsa hore ponaletso ya tsa lekgetho le phapanyetsano ka lesedi di fetele maemong a latelang

Tshwane, 18 Pudungwana 2022 – Bekeng ena e fetileng re bone lefatshe la lekgetho le tsepamisitse maikutlo ho etsa hore ponaletso ya lekgetho le phapanyetsano ka lesedi di fetele maemong a latelang ka nako ya kopano ya leshome le metso e mehlano (15) ya boitokisetso ya selemo ka seng ya *OECD Global Forum on Transparency and Exchange of Information for Tax Purposes (Global Forum)* e neng e le tshwaretswe mane Seville, Spain ho tloha ka 9 - 11 Pudungwana 2022.

Erekaha dimotlolo tsa kgwebo di ntse di ya di fetohela ho ba dijithale, madiboho ao e seng a lehae le a sa tshwareheng ha a sa kgatha tema e kaalo tlhahisong le tsamaisong ya dithoto le ditshebeletso. Ka lebaka la seo, metheo ya naha ya lekgetho e tlasa kotsi ya kamehla ya ho ba ka mosing. Tabeng ena, ho bohlokwa ho sebetsoa mmoho le bakgathatema ho ntlafatsa tikoloho ya tsa lekgetho ho kgothaletsa tshebedisano e matla. Ka ho sebedisa melemo e mabapi le ponaletso ya tsa lekgetho le phapanyetsano ka lesedi ho tshehetsa mokgwatshebetso wa Lekgetho le wa Bolaodi ba Meedi ho itshetlehlwe hodima boikobelo ba tefo ya lekgetho ka boithaopi.

Global Forum ha jwale e na le ditho tse 165 tsa mabatowa mme kopano e na ya boitokisetso, ya pele moo batho ba kopanang sefahleho le sefahleho haesale hore ho be le sewa sa COVID-19, e boetse ya kopanya bakgathatema ba fetang 400 ba emetseng mabatowa ao e leng ditho mmoho le mekgatlo ya matjhaba. Baromuwa ba kopano ena ya boitokisetso ba boetse ba toboketsa bohlokwa ba ponaletso ya tsa lekgetho le Phapanyetsano ka Lesedi (EOI) ho lwantshana le ho qojwa ha lekgetho le ho thusa mebuso ho phatlalla le lefatshe ho sebedisa mehlodi ya lehae, haholoholo ka nako eo ka yona lefatshe le tswang seweng mmoho le qomatsi ya jwale ya ikonomi.

Global Forum mmoho le meifo ya yona ke diboka tse mawala bakeng sa Afrika Borwa mme ebile tsa bohlokwa ho tlosa lera la sephiri sa lekgetho ka tsela ya ho beha leihlo ka mokgwa o matla maemo a matjhaba a tsa Phapanyetsano ka Lesedi ho latela Kopo (EOIR) mmoho le Phapanyetsano ka Lesedi ya Othomathiki (AEOI), mmoho le boiteko ba yona bo tobileng ba ho aha bokgoni, ho akaretsang thuso ho phatlalla le madiboho ho boela ho fumanwa lekgetho.

Kopano ena ya boitokisetso ya *Global Forum Plenary* e ile ya qala pele ka kopano ya Africa Initiative eo yona e buisanang ka mafolofolo le dinaha tsa kontinente ho phahamisa phadimeho ya bohlokwa ba EOI le ho fana ka thuso e tobileng ya kaho ya bokgoni ho

tshehetsa mabatowa a Afrika ao e leng ditho, ho theha Diyuniti tse sebetsang ka ho phethahala tsa EOI. Ka 2022, ke bahlanka ba fetang 2000 ba tswang kontinenteng ba unneng molemo ho tswa dithupelong tse ikgethang tsa EOI. Kopano ena ya AI le yona e ile ya amohela ho sibollwa ha tsela ya tshebetso ya thuso e phatlallang le madiboho eo sepheo ka yona e leng hore ditseko tsa lekgetho di boele di fumanwe hape.

Khomishenara Edward Kieswetter o ne a emetse Afrika Borwa jwalo ka hlooho ya SARS, hape jwalo ka motlatsamodulasetulo wa Sehlopha sa Botsamaisi sa Global Forum le ho ba motlatsamodulasetulo wa Africa Initiative.

Dintlhakgolo tsa Kopano ena ya Boitokisetso di akaretsa ho ananelwa ha tlaleho ya Afrika Borwa ya selemo sa 2022 e bitswang *South Africa's 2022 Exchange of Information on Request Second Round Phase 2 Peer Review*, le moo Khomishenara Kieswetter a neng a saena Tumellano e bitswang *Multilateral Competent Authority Agreement on the Automatic Exchange regarding CRS Avoidance Arrangements and Opaque Offshore Structures (MDR MCAA)* ho bapa le mabatowa a mang a 14, ha mabatowa a 22 a saenile se bitswang *MCAA on Automatic Exchange of Information on Income Derived through Digital Platforms (DPI MCAA)*.

Diphapanyetsanong tsa moraorao tjena tsa AEOI, Afrika Borwa e arolelane lesedi la othomathiki le balekane ba 78 mme SARS e ntse e tswela pele ho etsa tswelopele e bonahalang tshebedisong ya *data* ya AEOI e fumanweng hore ho fokiswe diphoso tse ka bang teng ditabeng tse mabapi le dihlahlobo tsa balefalekgetho. Ka 2021 Global Forum e tlalehile lesedi la diakhaonto tsa ditjhelete tse fetang dimiliyone tse 111 lefatsheng ka bophara, tse akaretsang paloyohle ya thepa ya tjhelete e ka bang 11 trillion EUR, ka tsela ya othomathiki".

"Re ntse re tswela pele leetong la rona la ho aha SARS e bohlale ya sejwalejwale eo botshepehi ba yona bo sa belaelweng, e tlang ho hlomphuwa le ho tlotlwa ke bohle. Hwa bohlokwa mona ke ho tlatsetsa bokgoni ba rona ba batho ho fumana thuso ho tswa ditheknolojing tse kgontshang sena tse kang manollo ya *data* le bohlale ba maiketsetso mmoho le tshebediso ya metjhine e ithutang manollo ya dipalopalo.

Ha re ntse re eketsa le ho atolosa tshebediso ya *data* ho bapa le Maikemisetso a rona a Mawala a 5, EOI le AEOI ke karolo ya motheo o bohlokwa wa mohlodi wa *data* o tshehetsang *data* ya rona e batsi ya mekga ya boraro hore kgontsha ho fokisa balefalekgetho le bahwebi ba sa ikobeleng tefo ya lekgetho. Ho se ikobele tefo ya lekgetho ho tla ba thata le ho baka

hore ditjeo e be tse hodimo mme kahoo ke ipiletsa ho balefalekgetho le bahwebi ho etsa se nepahetseng le ho ikobela tefo ya lekgetho ka boithaopi," ho rialo Khomishenara Kieswetter.

Ho fumana lesedi le fetang lena mabapi le taba ya ponaletso ya lekgetho mmoho le phapanyetsano ka lesedi, ka kopo sheba tse latelang:

- [Statement of outcomes of the 15th OECD Global Forum Plenary](#)